

179

R. a. 28

DISSERTATIO MEDICA
 IN AULIGURALIS,
 FEBRE INTERMITTENTE:
 QUAM,

ANNUENTE SUMMO NUMINE,

Ex auctoritate Reverendi admodum Viri,
 GULIELMI ROBERTSON, S.S.T.P.
 ACADEMIAE EDINBURGENAE PRAEFECTI;

NEC NON

Amplissimi SENATUS ACADEMICI consensu,
 Et nobilissimae FACULTATIS MEDICAE decreto;

PRO GRADU DOCTORATUS,
 SUMMISQUE IN MEDICINA HONORIBUS ET PRIVILEGIIS
 RITE AC LEGITIME CONSEQUENDIS,

ERUDITORUM EXAMINI SUBJICIT,
 ANTONIUS FOTHERGILL, ANGLUS.

Ad diem Octobris, hora locoque solitis.

Mobilitate viget—————

VIRG.

Phoebe, fave, novus ingreditur tua templa sacerdos.

TIBUL.

EDINBURGI:
 IN ÆDIBUS A. DONALDSON ET J. REID.
 MDCCLXIII.

C O R R I G E N D A.

p. l.

9. 14. *pro geret lege gerit*

11. *ult. in notis, lege infection.*

13. 23. *in notis, lege Obs. on the diseases, &c.*

VIRO AMPLISSIMO,

RALPH MILBANKE,

EQUITI AURATO,

IN CONVENTU PUBLICO MAGNAE BRI-

TANNIAE

SENATORI INTEGERRIMO;

ARTIUM SCIENTIARUMQUE LIBERALIUM

FAUTORI EXIMIO;

MORUM ELEGANTIA, BENEVOLENTIA,

LIBERALITATE,

PERQUAM INSIGNI:

NEC NON

NEC NON

PRAECEPTORI ADMODUM ERUDITO,

GULIELMO CULLEN,

COLLEGII MEDICORUM REGII EDINENSIS

SOCIO DIGNISSIMO,

MEDICINAE ET PHILOSOPHIAE CHEMICAЕ

IN ALMA ACADEMIA EDINENSI

PROFESSORI CELEBERRIMO;

VIRO MORIBUS ORNATISSIMO,

ARTEQUE APOLLINARI

NULLI SECUNDO :

PATRONIS SUIS SUMMOPERE COLENDIS,

Hasce studiorum primitias

D. D. D.

ANTONIUS FOTHERGILL.

PROOEMIUM.

SPECIMEN quoddam medicum editurus, aliquamdiu circumspiciebam, quamnam ex tanta rerum medicarum sylva mihi materiam, ut maxime idoneam, ita etiam LECTORI gratam, seligerem. Tandem de FEBRIS INTERMITTENTIS natura ejusque curatione differere animus tulit. Opus quidem arduum! — In universo quippe scientiae medicae ambitu, nulla forte doctrina tantis difficultatibus laborat, aut tam diversis hypothesebus atque opinionibus jactatur, ac illa quae de his febribus agit: adeo ut quid veri et solidi statuendum sit, in tanta scriptorum copia et varietate, vix reperire liceat. Difficultas, ut ut magna, (cum tamen de vita hominum agatur), nos deterrere non debet, quo minus occultam hujus morbi naturam investigare conaremur. Sed ingenii imbecillitatis nimis conscius sum, quam ut vana spe me lactarem, me lucis aliquid in singula ejus recondita allaturum: nec sane imperfecta VIS NERVEAE notitia mortalibus adhuc concessa, quid hujusmodi sperare

sperare finit. Hoc tamen in apricum profèret aetas.——“Multum egerunt qui ante nos fuerunt, neque perfecerunt; multum adhuc restat operae, multumque restabit; neque ulli nato post mille saecula praecidetur occasio aliquid adhuc adjiciendi.” Nunc temporis sanguinis circuitum per tot saecula homines latuisse, non mirari non possumus: quis vero novit, quin posteritas nos febris naturam tamdiu ignorasse aequè mirabitur?

Cum in veritatis investigatione errorem vitare omneque animi praejudicium exuere, imprimis necesse est: in aliorum exinde sententias animadvertere (sed ea qua par est diffidentia) quandoque ausus sum.——Ea tantum statui quae observata docere videntur; sique erraverim, saltem hoc nomine veniam merebor, quod, et in his et aliis omnibus, plura vel meliora doceri me paratissimum profitear.

DISSERTATIO MEDICA
INAUGURALIS,

D E

FEBRE INTERMITTENTE.

S E C T. I.

Historia Morbi.

§ I. **F**EBRIS, quae per vices impetum suum remittit, ut plena *απυρεξία* inter duos quosque paroxysmos intercedat, vocatur *Intermittens* (a).

UNUSQUISQUE paroxysmus est febris succincta, seque in tria dividit stadia, quorum phaenomena, ordine quo plerumque se alternatim excipiant, recensebimus.

Phaenomena primi stadii.

§ II. PRIMUM stadium incipit oscitatione, paniculatione (b), sensatione circa spinam dorsi admo-

(a) Boerh. Aph. de cognoscend. et curand. morb. 727.

(b) Dormiendi necessitate quandoque inexpugnabili, praesertim vero in quotidiana.—Vid. Lommii Obs. medicinal. p. 23. Grainger de feb. anomala Batava, p. 12.

dum molesta (*a*); pallore extremorum; lassitudine; debilitate; pulsu citato (*b*), parvo, inordinato; dolore articulorum, dorsi, capitis; frigoris sensatione (*c*); horrore, rigore, tremore, insensibilitate (*d*), respiratione anhelosa, anxietate, nausea, vomitu, siti maxima; urina ut plurimum tenui, pellucida.

Secundi stadii phaenomena.

§ III. Cum haec symptomata (II.) per aliquod tempus permanferint, mitescere incipiunt: sed en alteram morbi faciem! — Frigus excipit calor urens, rubet cutis, et tumet; calore incremente mitescit tremor, liberior fit respiratio, imminuitur anxietas, major fit pulsus robustiorque; dolet caput vehementius, deliriumque aliquando adest; urget adhuc inquietudo, jactatio, sitis ingens; urina nunc temporis plerumque rubella.

(*a*) “Haud facile verbis describenda.” Home Princ. medicin. p. 86. edit. ult.

(*b*) Pulsus in paroxysmo febrili nunquam infra nonaginta in minuto horae descendit, auctore Ill. Hallero, Elem. Physiol. vol. 2. p. 255.

(*c*) *Sensatione* dico, quoniam thermometron plerumque signat septem aut octo gradus ultra calorem naturalem, instante frigore etiam intolerabili, secundum quosdam Clariss. auctores. Vid. De Haen Rat. med. p. 121. 123. Home Princ. med. p. 86.

In quibusdam tamen aegris inclyti hujus nosocomii res aliter se habuit: calor enim corporis, ingruente paroxysmo, gradus sex vel septem infra sanitatis normam descendebat, sicut ipse aliquoties observaverim.

(*d*) Illust. Baro Van Swiet. Comm. vol. 2. p. 621.

Tertii

Tertii stadii phaenomena.

§ IV. TERTIUM denique incipit stadium; mitescit calor; laxior minusque arida fit cutis: jamque prorumpente per totum corpus sudore; pulsus fit mollis, plenus; respiratio libera; leniuntur dolores; omnia nunc remittunt symptomata; urina rubra sedimentum deponit lateritium; blandus irrepit somnus (a); et plena succedit apurexia.

DURATIO stadiorum varia, pro diversa febris indole, aegrique temperie ac aetate. Quo gravius invadit frigus, eo acrior plerumque insurgit febrilis aestus, secundum Illust. BOERHAAVIUM, aliosque auctores clarissimos; contra vero, post brevem frigoris insultum, calorem protractiorem intensissimumque, haud raro observavit Illust. SENAC (b).

De Apurexia.

§ V. DIEBUS intercalaribus, homo qui modo aegrotabat, nunc sanitate illibata frui videtur, atque vana spe lactatur saepissime, quasi omnino a febre liber foret (c). Adest tamen interdum pulsus tardiusculus, debilitas, ac in sudorem proclivitas (d).

(a) Idem, § 750. (b) De recondit. feb. interm. natura, p. 23. 24. (c) Van Swiet. Comm. § 755.

(d) Hoffm. oper. om. tom. 2. p. 11.

Distinctio in species.

§ VI. PRO duratione temporis apurexiae, febres intermittentes distinguuntur in varias species, scilicet, in quotidianas, tertianas, quartanas.

DANTUR quoque quintanae et sextanae, sed rarissime occurrunt. Cl. WERLHOF etiam testatur se quandoque vidisse octanas, quae per eosdem singulae hebdomadis dies, quater singulis mensibus, veluti lunae per phases, accesserint (*a*). Cél. SAUVAGES sexaginta species, aut plures enumerat (*b*); nonnullae vero harum inter varietates forte rectius recenseantur.

FEBRES intermittentes vere et autumno quam maxime prodeunt, hinc in vernales et autumnales jure distinguuntur. Vernales ad inflammationem, autumnales vero ad putredinem quodammodo vergere observantur.—An verum tota natura inter se discrepant, uti SYDENHAMO visum est (*c*), vel tantum per accidens, prout SENAC (*d*) et PRINGLE (*e*) contenderunt, adhuc sub judice lis est. Febres intermittentes saepe varios alternatim induunt typos; nonnunquam sub specie febris continuae incedunt, paulo postea in remittentes migrant; nunc tertianae typum, modo quartanae

(*a*) Observ. de feb. p. 269. (*b*) Pathol. method. 261.

(*c*) Oper. p. 46. (*d*) De recondita feb. p. 56. 57.

(*e*) Obser. on the diseases of the army, p. 201.—203.

assumunt;

assumunt; nunc tempus accessionis anticipant, modo postponunt. Nonne hoc SYDENHAMIANA cum opinione pugnare videtur?

Febres larvatae.

§ VII. VERSATISSIMI in arte viri, MORTONUS, SYDENHAMUS, HUXHAM, febres intermittentes sub larva aliorum morborum latentes, v. g. apoplexiae, pleuritidis, cholicae, &c. detexere. Eas tamen ut plurimum sine ullo intermittentis signo, excepto forte lateritio in urina sedimento, prehenderunt. Vis corticis Peruviani insignis, post alia remedia incassum tentata, eorum indolem adhuc clarius manifestabat; atque nunc satis compertum habemus, hasce febres larvatas plus timoris quam periculi invehere; quoniam

*Hi motus — atque haec certamina tanta
Pulveris exigui jactu compressa quiescunt.*

VIRG. Georg.

S E C T. II.

De causis remotis.

§ VIII. CAUSAE hujus morbi generales sunt, frigus, miasma, contagium, timor.

Frigus.]

Frigus.] Vis frigoris in febre intermittente inducenda, in variis conditionibus varia est.

1mo, PROUT conditio corporis ei plus minusve faveat.

2do, PROUT unam tantum corporis partem invadat.

3tio, PROUT plus minusve humiditatis sibi socium addat. De his autem figillatim jam dicendum.

1mo, QUI sudore perfusi aquam gelidam hauriunt, aut corpus evacuationibus largis, defatigatione nimia, jejunio, aut intemperantia enervatum, subito frigori exponunt, febribus intermittibus admodum sunt obnoxii: contra verò ii, quibus fibrae sunt tensae, vigorque corporis infractus, longe minus a frigore afficiuntur; frigus enim eorum corpora contra motus febriles magis magisque praemunit. Annon hac de causa Lapponiae et Islandiae durae gentes, etiam si penetrabile frigus patiantur, febres tamen intermittentes omnino ignorant (a) ?

2do, QUI primo vere vestes hibernas, priusquam frigus brumale cessaverit, abjiciunt, aut quandam corporis partem aëri gelido per rimam aut fenestram perflanti exponunt, febre intermittente saepissime corripuntur: verum sane multo citius regnantē

(a) Rosen Medicina Lappon. apud Halleri disp. Med. pract. vol. 6. p. 740.

Euro :—Eurus enim in regionibus hisce septentrionalibus, ob iter suum per tractum terrae longissimum omnium, est frigidissimus. Hinc forte petenda est ratio, quare Britannia Orientalis, magis quam Occidentalis, intermittentibus vexetur.

3tio, FLUIDA, dum in aërem exhalent, frigus semper generant, ut experimenta OPTIMI PRAECEPTORIS CULLENI evincunt (a). Sed quo magis humiditate exhalante onustus sit aër, eo frequentius incedit hic morbus. Huic fidem faciunt loca uliginosa, humillima, e. g. Cantabrigiae comitatus pars inferior, paludes Lincolnienfes, cum agris non paucis aliis nimia humiditate maceratis, in Anglia, Hibernia, Hollandia, Flandria, ubi endemice grassari consuevit (b). Quidam tamen auctores (c) clarissimi, febres intermittentes, ficci aëris temperiei genuinam esse sobolem, asserere non dubitarunt. Hic igitur quid faciat temperiem aëris humidam, quaque ratione ejus humiditas aestimanda sit, breviter inquirere non fortasse alienum erit.

Quaedam dubia de aestimanda aëris humiditate solvuntur.

§ IX. AEREM certam aquae copiam, haud secus ac aquam certam salis quantitatem per *solutionem*

(a) Edinb. Physical Essays, vol. 2. art. 7.

(b) Jones de feb. intermit. p. 1.

(c) Baro Van Swieten, Cl. Wintringham, cum multis aliis, de quibus postea,

suspendere

suspendere posse, experimentis constat (*a*). Aër itaque veluti menstruum aquae haud inepte considerari queat.

CALOR quidem evaporationem fluidorum, vimque aëris solventem auget, frigus vero contrarium edit effectum. Quapropter aërem in calida coeli temperie majorem aquae copiam tenere *solutam* oportet. Sole autem absente, (ut nocturno tempore accidit), ventisve frigidis subito spirantibus, frigidior fit aër; sed quo frigidior est aër, eo imminuitur vis ejus *solvens*, adeoque quandam aquae copiam instar nebulae rorisve dimittere necessario cogitur. Hanc sane aquam sub forma pluviae praecipitari non necesse est; quia ut aqua sale saturata quid amplius salis per *diffusionem* suspendere queat, sic omnino aër, aquam. Ex aquae igitur copia *diffusione* suspensa, humiditas cujuscunque tempestatis, potius quam ex pluvia descendente, (ni fallor), aestimari debet. Pluvia quippe in tempestate intense calida alternatim descendens, exhalationes aquosas cohibet, reprimit, ut recte animadvertit Clariss. PRINGLE (*b*). Hinc denique aërem, in tempestate calida, vel etiam pro externa facie

(*a*) Vid. Dissertation sur l'elevation et la suspension de l'eau dans l'air, par M. Le Roy. Hist. de l'acad. anno 1751.

(*b*) Observations on the diseases of the army, p. 5.

ficca (utcuque improbabile videatur) humiditate diffusionē fufpenfa, poffe abundare fatis conftat.

His ergo de aestimanda aëris humiditate rite perpenfis, contrarias Cl. auctorum sententias inter se consentire videmus : quidam enim hunc morbum in calida et ficca (a), alii vero in temperie omnino humida (b), faepius grassari contenderunt. Atque in genere, humiditatem, nequaquam vero ficcitatem, esse in causa cur febres intermittentes in temperie coeli calidissima suas maximas agant tragoedias, scire licet.

In locis quidem paludosis, vaporatio humiditatis aquosae calori aestivo morem semper geret, ut nuperrime monuimus. Nonne igitur patet ratio, quare in Brabantia Belgica, vigor hujusce morbi a. majore puteorum vaporatiōe determinari possit (c) ?

§ X. *Miasma.*] Miasmata in aëre generantur, vel e terra ascendunt ; indagandis autem exhalationum

(a) Wintringh. Nosolog. p. 35. 40. Van Swiet. Com. § 767. Hoffman. tit. 4. cap. 4. Bisset Med. Conflit. p. 270. Short history of the weather, *ann. Dom.* 1558, 1574, 1652, 1657, 1669.

(b) Arbuthnot on air, p. 141. Cleghorn on the diseases of Minorca, p. 124. Huxham on fevers, p. 18. 25. Graing. de feb. Batava, p. 52.—59. Home Princ. medic. p. 85. Lind on the health of seamen, p. 71. 74. Jones de feb. interm. p. 1. 11.

(c) Observat. on the diseases of the army, p. 3.

adeo invisibilium qualitatibus, longe progredi non est virium mearum. Eos tamen, qui loca paludibus vicina incolunt, unde multi vapores putridi exhalantur, febribus intermittentibus magis opportunos esse certum est. Cl. BOSTROM urbem memorat, cui incubuit febris tristissima, donec stagnum in urbe situm educum est, et in hortum mutatum; ex quo tempore iste locus aequè fuit salubris, atque ullus alius (a).

ROMAE febris exacerbans partem urbis vicinam, cum a paludibus ventus illuc spiret, saepissime infestat; cum interim incolae magis dissitae incolumes evadant (b): hinc quidem miasmata ope ventorum haud longe transferri, patet.

OBSERVATU quoque non minus dignum, miasma suas vires non exferere, donec, aqua evaporata, materies putrida vel limosa emerferit. Huic rei confirmandae horrendum offert exemplum febris funesta Alexandriae solennis, quae, donec Nili inundatio recedat, terraque limosa appareat, non prae-rumpit.

§ XI. *Contagium.*] Miasma et contagium a scriptoribus saepe promiscue usurpantur; illud in aëre (ut jam dixi) generatur, aut e terra ascendit: hoc in corpore ortum, et ab uno homine propagatur in alium.

(a) Amoenit. Acad. vol. 5. p. 26.

(b) Lancisi Epid. 1. lib. 2. cap. 7.

DUM haec febris in aestate fervida saevius debacchatur, nonnunquam fit summe contagiosa, totasque hominum turbas e medio eripit: quantasque inducit strages, cum inter homines nosocomiis carceribusve confertim squalore vitam trahentes erumpat, eheu! frequentius est, quam ut exemplis confirmandum sit.

FEBREM autem contagiosam (Anglice *the jail-fever*), intermittentis esse prosapiae, ex scriptis clariss. virorum colligere licet (*a*).

§ XII. *Timor.*] Regnanti peste, pavidī, socordes, et meticulosi certo fere certius corripuntur. In urbibus autem obsessis, incolae ab aggressione hostium inopinata perterrefacti, saepe subito febricitant. Insuper, quam cito hae febres, cum post longum quieverint, a subito timore in actum iterum deducuntur, nemini fere non notum est.

Praedispositis tantum nocent.

§ XIII. Hic autem observandum, hasce causas (VIII.—XII.) eo tantum valere quo corpori occurrant praedisposito. Pro certo quippe novimus, quosdam homines uni earum alicui quotidie obnoxios esse, febrem tamen intermittentem omnino evadere. Quapropter verisimile est, neque frigus, neque miasma, neque imo etiam contagium, fe-

(*a*) Vid. Pringle's Observations on the diseases of the army; Lind on fevers and infections.

brem intermittentem, proprio Marte excitare posse. Sin autem systema nervosum ab exquisitiore sensu corporis (*a*), vel ex debilitate, vel ex constitutione anni epidemica (*b*), vel ex alio quocunque modo, fiat nimis mobile, vel si fibrae motrices in spasmos fiant procliviores (*c*); tunc quidem corpus ita praedispositum ignem veluti concipit, levique occasione accenditur febris.

QUINETIAM operae pretium est observare, quam diverse diversi homines, quoad temperamentum, et idiosyncrasiam, hisce causis afficiuntur; quomodo nempe in hoc per timorem, in altero per frigus, in tertio per contagium, hic morbus citius excitatur.

S E C T. III.

De causa proxima.

Auctorum sententiae.

§ XIV. **H**ISTORIA morbi adumbrata, nunc de causa ejus proxima dicendum. Omnia de hac re auctorum placita ad trutinam revocare, non est hujus loci: ea tamen explorare, quae feriam animadversionem merentur, omnino necessarium erit.

(*a*) Hoffman. oper. omnia, tom. 2. p. 11. § 5.

(*b*) Idem, p. 12. § 6. Sydenh. oper. p. 51.

(*c*) Hoffman. loco citato.

§ XV. IMPRIMIS, humorum *putredinem*, ob retentam materiem perspirabilem, vel etiam ob exhalationes putridas in sanguinem receptas, causam esse hujus febris proximam contenditur.

VIRI Clariissimi (*a*), qui hanc sententiam ornaverunt, varia protulerunt argumenta, quorum gravissima (ni fallor) summatim haec sunt.

Imo, Quo magis vigent putredinis causae (calor scilicet et humiditas), eo frequentius grassantur febres intermittentes.

2do, FOMES aliquis putridus in sanguinem absortus, febrem, tum rigore tum calore stipatam, illico accendit.

3tio, HUMORES putridos remediis idoneis eliminando, aut vi corticis antiseptica corrigendo, felicissime sanatur hicce morbus.

Num admittenda haec sententia?

§ XVI. SANGUINEM aliosque humores in quibusdam intermittentibus ad *putredinem* interdum vergere, nullus dubito: sed ob hanc causam putredinem ex essentia morbi esse necessariam concludere certe minus cautum foret; multa enim, (ut opinor),

(*a*) Sed ante omnes Doctiss. Pringle. Vid. Diseases of the army, edit. ult. p. 180.—189.

Hanc febrem putrida esse indole, contenderunt Cl. Grainger (de feb. Batav. p. 52.), nec non Ingeniosus juvenis Fleury, Dissert. inaugural. p. 34. 35.

eademque

eademque haud levia, hanc ire in sententiam prorsus vetant.

1mo, Homo, cujus sanguis vel ab omni putredinis suspicione immunis, subito tamen timore percussus, aut corpore sudore perfuso, aëri frigido expositus, febre intermittente saepissime corripitur.

2do, Homo scorbuto laborans, cujus tota sanguinis massa putredine contaminatur, paroxysmos tamen febriles omnino nescit; auctore gravissimo LIND (a).

3tio, QUIBUS perspiratio Sanctoriana maxima ex parte supprimitur, ii hac tamen de causa in febres intermittentes vix fiunt procliviores (b).

4to, IN Formosae insula tum calor tumque humiditas (putredinis causae) non mediocriter valent; nemo tamen mortalium eo loci febrem intermittentem unquam vidit (c).

5to, FEBRES intermittentes, modo pauxilla admodum quantitate cort. Peruv. curantur, modo uno fere ictu electrico fugantur (d); quis vero sanguinis putredinem tam cito emendari affirmare auderet?

6to, NON solum cortice Peruv. et remediis anti-

(a) On fevers and infection, cap. 1. p. 4. On the scurvy, passim.

(b) Cl. Baro Van Swiet. comm. § 586.

(c) Vid. Ramazini on the diseases of tradesmen, p. 26.

(d) Philos. Transf. abridg. vol. 1. paginam non memini.

septicis curatur hic morbus, sed etiam testaceis (*a*), quae vi omnino septica pollere existimantur (*b*).

Altera sententia.

§ XVII. ALII quidem viri *bilem* inquinatam, aut *fomitem* nescio *quem* hepate delitescentem (*c*), vel circa duodenum (*d*) aut ventriculum hospitantem, accusarunt.——Propterea quoad,

1mo, TANTA bilis copia primis inest viis, ut ad vomitaria purgantiaque confugere saepius opus sit.

2do, URINA flavo aut lateritio colore imbitur, non secus ac in morbis hepatis.

3tio, PARTEM in hoc morbo maxime affectam esse hepar, inspectio cadaverum docet.

4to, BILIS omnium corporis humani fluidorum putredini est maxime proclivis; praeterea, in hoc morbo bilis, inquit Cl. SENAC, saepissime per os, quasi “oleosum et lentum magma, ejicitur.”

Cur non firma.

§ XVIII. Huic opinioni obstant res quam plurimae.

1mo, TAMETSI purgantibus vel emeticis quicquid in ventriculo vel intestinis haeret, vel ex visce-

(*a*) Senac de recondit. &c. p. 13.

(*b*) Observations on the diseases of the army, append. p. 347.

(*c*) Senac de recondita feb. p. 12. 14. 15.

(*d*) Huic strenue propugnat laudatus Fleury, Disp. inaug. P. 24. 30.

ribus vicinis in illa defertur, ejiciatur; non tamen ideo curatur morbus, sed contra saepe tali methodo tractatus pertinacior adhuc redditur, et altiores radices figit; uti magnus ille SYDENHAMUS (*a*), aliique auctores gravissimi observarunt (*b*).

2do, A COLORE flavo urinae haud certe constat sedem hujus morbi esse hepar; talis namque urina in aliis morbis non raro invenitur, et quibusdam revera intermittentibus omnino deest (*c*).

3tio, FEBRE ope corticis Peruv. sine ulla evacuatione sensili profligato, tum color urinae, tumque vomitus biliosi subito evanescunt.

4to, PHAENOMENA hepatis morbosa, aliis quibuslibet morbis sunt communia, quibus fiunt sanguinis congestiones ad viscera. Insuper non tantum hepar, sed reliqua etiam viscera, cum abdominalia, tum thoracica, aequae poenas luunt; uti testantur viri in hujuscemodi sectionibus versatissimi (*d*).

5to, ICTERICI autem, quibus copia humorum bile vitiata plurimum inquinatur, febribus tamen intermittentibus non sunt prae aliis opportuni (*e*).

6to, Ex fomite tantum bilioso paroxysmos in omni aetate ac temperie, temporibus adeo exacte definitis, resurgere, quis credat?

(*a*) Sydenh. oper. p. 98. (*b*) Hoffm. tom. vi. p. 24. Baglivi Prax. med. p. 234. (*c*) Hillary on the diseases of Barbadoes, et Clegh. on the diseases of Minorca, p. 215. (*d*) Lieutaud Precis de la medecine, p. 53. Harvey Exercit. anatom. cap. 16. (*e*) Hoffm. oper. tom. 6. p. 24.

7^{mo}, DURANTE apyrexia, aeger saepe sanissimus sibi videtur: quo tunc temporis abit fomes iste versatilis? “Causa proxima posita, sequitur morbus; sublata, tollitur (a).”

8^{vo}, INTERMITTENTES interdum per medium ptyalismum suum exacte servant typum (b): quomodo vero, durante tali humorum fluxu, fomes aliquis colligi queat, intelligere vix possum.

His sublati aliae sponte ruunt.

§ XIX. AB argumentis (XVI. XVIII.) itaque constat, causam hujus morbi veram, neque ab ullo sanguinis vitio (XV.), neque bilis inquinamento (XVII.) pendere. Sed haecce argumenta etiam quibuscumque aliis humorum vitiis aequae accommodari possunt. Adeoque aliae Cl. virorum hypotheser, GALENI (c) scilicet, SILVII (d), WILLISII (e), JONESII (f), ROBINSONII (g), ingentisque BOERHAAVII (h), sponte ruunt.

Quid

(a) Boerhaav. Aph. § 740.

(b) Baro Van Swiet. Comm. vol. 2. p. 537. § 757.

(c) Bilem, pituitam, atram bilem, originem dare diversis intermittentium speciebus, somniavit GALENUS. Vid. Chart. tom. X. p. 351. 411.

(d) Fermentatio succi pancreatici cum bile. Sylv. Op. lib. I. p. 227. (e) Fermentatio sanguinis cum chylo. Oper. omnia.

(f) Aciditas sanguinis. Vid. libellum de feb. intermittente.

(g) Tenacitas nimia sanguinis. Anim. oeconom. p. 444. 482.

(h) Viscositas sanguinis. Aph. 755. — Ultima vero editione
C interseritur,

Quid docet observatio de causa proxima.

§ XX. UNICUIQUE phaenomena primi stadii (II.) attento animo perpendenti, quam manifeste apparebit, vasa sanguifera capillaria universali spasmo constringi.

QUID aliter autem denotet horripilatio? frigoris sensatio? pulsus durus? extremorum pallor? cutis corrugatio? insensibilitas? urina pellucida? secretionisque interceptae (a)? Constrictio sane spasmodica, vel ab immersione in aquam frigidam, vel ab admota corpori nive, inducta, paroxysmum exhibet artificialem, iisdem fere symptomatibus stipatum (b). Insuper verisimile est, non tantum frigus, sed etiam alias hujus morbi causas, suas agere turbas, magna saltem ex parte spasmus inducendo.

MIASMATE enim, et contagio, vitali principio obrepentibus horripilatio statim oritur. Terrore perculso homine, totam ejus corporis superficiem

interferitur, "forte et nervosi tam cerebri quam cerebelli *inertia*." Sed quid sonat vox ista ambigua? Quis vero mortalium *indolem aut qualitates* liquidi nervosi unquam adhuc detegere potuit?

(a) Ptyalismum, durante febrili frigore, prorsus cessare; manante vero sudore, iterum redire, vidit Cl. Grainger, de feb. Batav. p. 41.

(b) Ita, si manu quis torpedinem tangat piscem; illico frigore, horrore, tremore corripitur. Kaeimpfer Am. exot. fasc. 3. obs. 2.

occupat

occupat spasmus, pallet cutis, disparent vasa; horret, riger.

NOLLEM tamen ita intelligi, quasi febrem intermittentem a spasmo tantum pendere dicerem (*a*). Persuasum enim habeo, quod, ad constituendum hunc morbum omnibus numeris absolutum, quid amplius requiri praeter spasmum. Quandam adesse generis nervosi affectionem, dubitandi non est locus; sed qualis ea sit, determinare, est certe difficillimum. — An mobilitas nimia? — Huic conjecturae non repugnat temperies eorum, qui huic morbo prae ceteris sunt obnoxii; neque causarum quidem remotarum contemplatio; neque etiam curandi methodus. Vi nervea nimis mobili existente, fieri non possit quin functiones fuerint turbatae: turbatas esse functiones, docet pandiculatio, lassitudo, debilitas, tremor. Neque hic silentio praeterendum quaedam alia febris hujusce Proteiformis phaenomena: interdum enim sub forma hemicraniae (*b*) ludit, nunc amaurosin (*c*), nunc loquacitatem (*d*), modo acumen ingenii auctum mentitur (*e*). Nonne haec omnia mobilitatem nimiam amplius demonstrant? — Huic porro accedit,

(*a*) Hunc in errorem incidisse videtur magnus ille Hoffmannus. Vid. Opera passim. (*b*) Storck Bienn. medic. p. 54.

(*c*) Loco citato. (*d*) De-recondita feb. p. 25.

(*e*) Van Swiet. Comm. vol. 2. p. 7. § 560. Concussionem corporis irregularem absque frigoris sensu, vidit PRAECEPTOR Illustrissimus MONRO, Med. Ess. vol. 2. art. 19.

quod, a quolibet mobilitatem inducente, febris intermittens exacerbatur; contra vero, a quocunque eam corrigente, optime sanatur.

Ex dictis ergo nonne apparet ratio, cur juvenes huic morbo procliviores sint quam senes? cholericus et sanguineus, quam phlegmaticus vel melancholicus (*a*)? cur, post evacuationes nimias, jejunium, vel defatigationem, homines tam cito intermittentibus corripiantur? cur infantes delicatuli, urgente hac febre, convulsionibus saepissime crucientur (*b*)?

Cur autem e contrario attentio animi profunda venienti paroxysmo interdum occurrat (*c*)? cur Lappones aliaeque gentes sub Jove intenso frigido degentes, omnino sint immunes (*d*)? cur quaedam adstringentia, in febribus hisce cohibendis, motibusque tremulis sedandis, tam efficacia? cur denique Cortex ille Peruv. tam pulchre profit? cur quaeso? nisi quod mobilitatem corrigendo, fibrasque motrices roborando, prae caeteris valeat (*e*)?

HIS

(*a*) Hoffm. tom. vi. p. 5.

(*b*) Baro Van Swiet. Comm. vol. 2. p. 527. § 755.

(*c*) Loco citato.

(*d*) Ramazini on the diseases of tradesmen, p. 14. 15.

(*e*) Doctissim. De Haen (Ratio medendi, p. 197.) omnibus hypothesebus de corticis operatione, in curanda febre intermittente, acervatim rejectis, exclamat,—“Tota res aenigma est, aenigma manet, quaestio inanis; responsum impossibile.”—

Nodum

HIS itaque omnibus (XX.) rite perpensis, mihi omnino verisimile videtur, MOBILITATEM * QUANDAM CUM SPASMODICA ad capillaria CONSTRICTIONE, causam febris intermittentis quam proximam absolvere.

De ratione symptomatum.

§ XXI. INGRUENTE paroxysmo vi nervorum interrupta, necessario imminuitur cordis actio; ideoque totam corporis superficiem occupare incipit spasmus. Nascente spasmō, parum turbatur humorum distributio; sed paulo postea, cum per totum corpus arcte admodum constringantur vasa, fieri non possit, quin graves inde sequantur perturbationes. At spasmī erit imprimis, sanguinem versus corporis penetralia repellere, adeoque ad cor, atque pulmones: hinc anxietas, et respiratio difficillima. Aliquando enim per aliquot momenta, omni motu cordis abolito, vera syncope intercurrat: Si-

Nodum fane in scirpo quaesisse mihi videtur egregius ille vir: namque si quid firmi sit in conjectura supra proposita, solvitur nodus, et evanescit aenigma.

* Si forte quaeratur *modus* quo *mobilitas* illa existit; vel *quaratione* spasmō, qui paroxysmum febrilem efficit, ansam praebet; vel qualis est denique *mutatio* illa, quae in Sensorio tunc temporis contingit? fateor me haec omnia penitus ignorare: quantumque videre mihi datur, nemo de his potest vel minimam facere conjecturam, cum nervorum *fabrica* eorumque *actio* nos adhuc omnino latent. Sed non magni refert *modum* scire quo nervi sua munia exequuntur; *munia* ipsa callere sat est.

mul apparet, quanto in periculo tunc versentur aegri, et quare in frigore febrili aliquando extinguantur (a). Ex copia sanguinis magis magisque ad cor accumulata, nec non a spasmo nunc impenius fibres ejus motrices afficiente, necesse est cor fieri magis irritabile: sed quo magis irritabile est cor, eo sanguinis stimuli fit impatientius, eoque crebrius pariterque debilius (etiam priusquam repleantur ventriculi) necessario se contrahit (b): hinc pulsus frequens, parvus. Dum haec agantur, vi motrice pene extincta, oritur sensatio molestissima, variique motus instinctivi (c) excitantur; ex quibus tandem refurgit cor, sanguinemque cum impetu ad corporis ambitum propellit: hinc rubedo cutis,

(a) Van Swieten Comment. vol. 2. p. 21. 513. § 576.

(b) Ut egregie monet PRAECEPTOR ERUDITISSIMUS WHYTT. Essay on vital and involuntary motion, p. 264. 312.

(c) Motus febriles voco *instinctivos*, propterea quod non ab ullo animi *cogitantis* imperio, sed a vi quadam fibris motricibus infita, aut potius a nervis impertita, excitantur. Etenim res perquam notissima est, animum nihil plane operari posse in corporis partes, etiam per intensissimam voluntatem, vitiata vi nervea, quae sensui et motui inservit. In hoc tantum sensu dicere licet, “febrem esse affectionem *vitae conantis* mortem avertere.” (Boerh. Aph. 573.) Cautum sit (inquit Cl. Battie) ne quis entis cujuslibet imaginarii aut animae corporeae, tanquam *θεὸς ἀπὸ μηχανῆς*, manus praesentes videre videatur. Princip. anim. p. 288.

Haud multum sane interest, quo nomine utimur ad exprimendam vim *instinctivam*; an archaeo, natura, vita, vel τῷ ἐννοεῖντι; si semper hoc proprio illo sensu utamur.

pulsusque

pulsusque validus: sed sanguinis libero cursui obicem ponit spasmus. — Ab aucto sanguinis momento, contra vasa spasmo adhuc detenta, calorem (a) ingentem accendi, dolorem capitis intendi, delirium jactationemque oriri, non est mirum. Quum denique spasmus vi cordis et vasorum penitus superetur, sudor copiose prorumpit, omniaque symptomata evanescunt. Nunc tubuli uriniferi denuo relaxati, particulas urinae crassiores admittunt; hinc sedimentum ejus copiosum.

Effectus febriles spasmi diuturniores.

§ XXII. UNICUIQUE consideranti sanguinis introrsum ad viscera congestiones, a febrili spasmo saepius iteratas, vasa tandem debiliora fieri, crasin sanguinis mutari, liquoresque secretos depravari, non mirum videbitur. Hinc tumores viscerum scirrhusi, hydrops, leucophlegmatia, icterus, aliaque pertinacissima mala, intermittentes diuturniores presso pede saepe sequuntur.

§ XXIII. Ex dictis itaque patet, quantum in febribus intermittentibus valeat spasmus. — Objicere vero quis possit quasdam esse intermittentes quibus nullum adsit frigus, adeoque nullus spasmus. Cui respondetur, quod etiamsi febres dentur inter-

(a) An ab attritu solo, inquirere non est hujus loci, neque magni quidem refert.

mittentes, quae nullam frigoris habent sensationem, has tamen nullum habere spasum, minime sequitur. Spasus enimvero, ex pulsu duro, urina tenui, secretisque liquoribus impeditis, absque aliis signis, clarissime elucescit. Satis praeterea constat, spasum absque vel ulla frigoris sensatione posse praevalere; cum eum videmus per totum caloris stadium plerumque superesse, et vix ac ne vix quidem ex toto auferri, donec erumpat sudor.

De ratione periodorum. — Difficultates quaedam.

§ XXIV. INTER tot varias, diversasque hypotheses, quas clari viri de periodorum ratione adhuc proposuerunt, nulla forte verisimilior est ea, quae ex vicissitudinibus corporis humani periodicis, prout a consuetudine stabilitis, eam enucleare annititur.

— Sed quomodo quis mortalium, vel ab hac, vel ab alia quacunque theoria adhuc excogitata, ex facili respondere possit ad hasce quaestiones, non video :

1^{mo}, CUR paroxysmus post aliquot dies plane sopitus, tamen absque ulla causa evidenti, absque ulla mutatione, aut sensibus, aut ratione observanda, ad punctum etiam horae, iterum in actum deducatur ?

2^{do}, CUR apyrexia quandoque illibata serenitate
ab

ab omni perturbatione habeatur, quandoque vero non?

3tio, CUR tertiana omnium frequentissima; quartana vero omnium pertinacissima?

4to, CUR quartana, cum aliquem (cujuscunque fuerit aetatis vel temperiei) semel cruciarit, alia vice non multum eundem fatigabit, sed brevi sponte solvetur (a)?

Non sine ratione fane dudum exclamavit Doctiss. WERLHOF;—"Typorum et periodorum febrilium miracula, vidit omnis aetas et obstupuit; videbit omnis posteritas; posteritas forsan omnis obstupescet (b)."

TALIA itaque hujus morbi recondita iis resigno, quos juvat

—*Aërias tentasse domos, animoque rotundum*

Percurrisse polum. ——— HOR. lib. I. Ode 28.

SI autem sagax ille SYDENHAMUS, Illustriss. BARO VAN SWIETEN, alique praestantissimi in arte viri, suam de periodorum ratione ignorantiam agnoscere, non erubuerunt; me, in eo quod ab omni hypothese omnino me abstinui, excusatum haberi spero.

(a) Sydenh. oper. p. 85.

(b) Observ. de feb. p. 288.

S E C T. IV.

Ratio medendi.

§ XXV. **C**URATIO hujus morbi duplex est, naturalis scilicet et artificialis. Illa naturae viam qua se liberare solet, sollicitè tentat; haec vero ad paroxysmum praecavendum operam dat.

De methodo naturali.

§ XXVI. NATURA (*a*), vim cordis incitando, sudoremque blandum provocando, spasmi febrilis solutionem molitur. Medicamenta huic scopo optime inservientia, sunt DILUENTIA, DIAPHORETICA, ANTISPASMODICA. Inter haec ea sunt praecipue eligenda, quae constricta cutis spiracula relaxant, mitemque eliciunt sudorem: qualia sunt haustus salini in statu effervescentiae instanti frigore propinati (*b*), liquores aquosi blandi, pediluvium, femicupium (*c*), aliaque id genus. Vis naturae medicatrix ad hunc modum adjuta, quandoque, sine ullo alio quocunque remedio, febres in-

(*a*) Quo sensu intelligenda sit vox *natura*, jam dixi, p. 22. not.

(*b*) Testante viro expertissimo Lind. De feb. et infect. p. 9.

(*c*) Gilchrist on the use of voyages, p. 141. 142.

termittentes cito, tuto, et jucunde sanat. Prudentis interim medici est, omnia, quae consilio adeo salutari obstant, longe amovere. Si itaque adsit inflammatio, vel si morbus ad febris continuae naturam vergere incipiat, sanguinis missio est tempestive instituenda. Si, a sordibus autem biliosis circa ventriculum aut intestina hospitantibus, (prout saepius in autumnalibus contingit), ingravescat morbus: tunc quidem emetica et lenia purgantia, haud sine fructu, in usum revocari queant. — Emetica, tum biliosam colluviem eliminando, tumque fibras motrices roborando, admodum sunt utilia; sed multo etiam magis, quatenus cutim versus determinando, spasmus relaxant; quî enim aliter fit, quod ipecacuanha, parva admodum dosi aliquamdiu adhibita, hasce febres, absque ulla vomitione, prorsus fugat (*a*)? — Purgantia vero siquidem horripilationibus et spasmodis corpus disponunt, haustum quendam anodynum post eorum operationem propinare, omnino necesse est: expertissimus enim SYDENHAMUS, post morbum fugatum, a levissima catharsi, imo etiam ab enemate molliissimo ex lacte saccharato, recidivae periculum imminere observavit (*b*). Superveniente delirio, stupore, vel comate, vesicatoria, vel cucurbitulae

(*a*) Halleri Disput. med. pract. vol. 5. p. 93.

(*b*) Epist. resp. 1. p. 36.

cum scarificatione, summo cum levamine adhiberi possint.

PER totum morbi decursum, causae omnes remotae (VIII.) prorsus amovendae, resque *dietae* non-naturales studiose observandae; aliter sane laterem lavamus.

De sudore cautela.

SED ante omnia — sub finem paroxysmi, *sudor*, si admodum copiosus sit, panno bibulo laneo (corpore interim ab aëre frigido praemunito) probe *abstergi* debet: deinde aegro *mundum indusium* quam cito suppeditare oportet. — Magni quidem interest, (ni fallor), ad hasce cautelas solícite attendere, tametsi de illis inter authores prácticos altum sit silentium; forte propterea quod mala, quae maneant aegrum *sudore profuso* diu maceratum, non rite perpenderint.

SUDOR largus in corporis superficie nimis diu durans, solida simplicia relaxat, materiem perspirabilem impedit, mobilitatem febrilem auget, viresque corporis enervat, pessundat. — His denique adde, quod sudor *exhalans*, aequè quidem ac alia fluida vaporantia, frigus generat; quantumque autem valeat frigus humidum, corpori nunc nimium sensili applicatum, jam (VIII.XI.) monuimus. Annon hinc apparet ratio, quí fit, quod quaedam intermittentes, *sudoribus nimis* stipatae, vim etiam

Cort. Peruv. eludunt, ac in febres ardentes, vel malignas, infausto cum omine degenerant? Nonne haecce infortunia, auxiliis supra propositis, magna ex parte praecaveri poterint?

De methodo artificiali.

§ XXVII. METHODUS artificialis, praecavendo paroxysmum, totam absolvit curam.

QUUM frigus febrile omnium fere symptomatum fundamentum ponit; si ei occurrere venienti quocunque modo possimus, etiam totum illum paroxysmum facile valemus praecoccupare. — Hic gravis oritur quaestio inter medicos, num incipiente febre, statim ejus curam (a) artificiali methodo moliri tutum sit? an vero ea febris, per certum temporis spatium, sit sibi permittenda (b)?

INTERDUM, ope intermittentis, paralyxis (c), epilepsia (d), convulsiones (e), aliique morbi pertinacissimi solvuntur. Intermittentem itaque hisce morbis supervenientem illico opprimere, omnino

(a) Prout Riverio, Bohnio, Senaco placuit.

(b) Ut Harvaeo, Sydenhamo, Baglivio visum est.

(c) Hoffm. oper. tom. 6.

(d) Hippoc. Epid. lib. 5. tom. 6.

(e) Οἱ ὑπὸ τεταρταίων ἀλίσκομενοι, ὑπὸ σπασμῶν ἔ πάντι ἀλίτ-
κοτι· ἢν δὲ ἀλίσκονται πρότερον, εἴτα ἐπιγένηται τεταρταῖα, παύονται.
Hippoc. sect. 5. aphor. 70.

inconsultum

inconsultum foret. At si in hominem non male se habentem incidat, numne melius esset si nequaquam in eum incidisset? numque perinde fatius aegrum ea liberari, quam spasmodicis partes universas arcte constringentibus excruciaci? Hic morbus autem in initio facillime sanatur (*a*); aegrius vero, cum diu duraverit: utcunque mitis ergo, utcunque levis tandem fuerit in initiis; ei tamen minime credendum;

Mobilitate viget, viresque acquirit eundo.

VIRG.

Suadent ergo omnia, ut quamprimum fieri poterit cohibeantur febres intermittentes in sanos homines incidentes. Sed haec obiter. —

OBVIAM itur paroxysmo venienti, vel,
1mo, Sudorem, aliquot horis ante revertendi tempus, excitando; — vel,
2do, Mobilitatem febrilem corrigendo.

Sudorem promoventia.

Hunc scopo, decoctum farsaparillae, aut bardanae, ad quinque vel sex lib. die intercalari, optimo cum emolumento adhibuit Illust. SENAC (*b*). “Sub expectatione” (ait CELSUS) “proximae accessionis, aeger deducendus in balneum est, dandaque opera

(*a*) Senac de recond. febr. 141.

(*b*) Vel aquam etiam calidam affatim haustam. De recond. feb. p. 177.

est, ut per tempus horroris in folio sit (a).” In Courlandia mos invaluit, ut aegrum in nive ad mentum usque tectum aliquamdiu fervent, exinde in sudatorium deducunt, quo sudorem alliciant copiosum : atque hac methodo ter quaterve repetita, curam plerumque absolvunt (b). Alii quidem, olea essentialia, vel aromatica calidiora, pari cum successu usurparunt. Semper vero notandum, remedia sudorifera (praesertim quae acri stimulo pol-
lent) summa cum circumspectione adhibenda esse : namque si, eorum vi, sudor invita natura extorqueatur, febris altiores aget radices, atque omnia deinceps in pejus ruent.—*Modus itaque utendi ex veneno facit medicamentum, ex medicamento venenum.*

Mobilitatem corrigentia.

HAEC sunt praecipue narcotica, et adstringentia. *Narcotica.*] Opium inter narcotica, tum nervorum mobilitatem corrigendo, tumque febrilem spasmum consopiendo, primum sibi locum vendicat. Huic fidem facit Cl. BERYAT (c). Hauustus anodynus hora dimidia ante accessionem adhibitus, hunc morbum instar incantamenti saepius tollit, Auctore graviss. STORCK (d). At sincerus ille vir,

(a) De medicina, p. 142.

(b) Miscel. curios. dec. 11. ann. 6. p. 570.

(c) Mem. de mathemat. et de physiq. tom. 2. p. 24.

(d) Ann. med. secundus, p. 110.

in quibusdam aegris hoc remedium spem ejus omnino luisse, ingenue profitetur (a). Idem auctor laudatissimus febres intermittentes, cortici etiam Peruviano cedere nescientes, *aconito* se quandoque debellasse testatur (b).

Adstringentia.] Adstringentia varia, tum vegetabilia tum mineralia, in fugando hoc morbo non sine ratione laudantur; sed his omnibus palmam facile praeripit Cortex ille Peruv. de quo postea dicetur. Alia quidem antidota ex quibusdam auctoribus decantata, brevitatis studio praetermittimus. Pars autem maxima eorum, exceptis forte quibusdam venenis, sub una vel altera harum classium (*narcoticorum* puta vel *adstringentium*) militari possit. Cl. Jacobi (c), atque quidam alii homines audacissimi, arsenicum etiam ipsum pro specifico venditare haud verentur: sed remedia hujusmodi horrenda, dum curant, plerumque nocent; ab omnibus itaque medicis cordatioribus merito rejiciuntur.

(a) Annus med. primus, p. 55. "Nonnunquam enim debiles, vel stupidi, post ejus usum manserunt aegri."

(b) In libello de stramonio, hyoscyamo, et aconito, nuper edito, p. 33. 47.

(c) Acta academ. Erford. tom. 1. p. 216.

De usu Corticis quaedam.

§ XXVIII. **Q**UIDAM auctores Corticem in intermittentibus vehementer laudant, alii eum prorsus damnarunt, et omnes subinde ad experientiam provocarunt. Si ex eorum itaque argumentis inter se accurate pensitatis, vel propria etiam experientia confirmatis, CANONES quosdam generales in medium proferre liceret, L. B. haud molestum fore speramus.

I. CONSTAT, Corticem rite adhibitum remedium esse non solum innocuum (*a*), sed etiam omnium in tota rerum natura adhuc cognitarum, in fugando hoc morbo, in omni aetate, sexu, ac temperie, efficacissimum.

II. ICTERUM, hydropem, haemoptoen, glandularum obstructions, aliaque id genus mala Cortici saepius imputata, ex laxa viscerum et vasorum textura, ingentique liquidorum copia, vi febrilis spasmici huc adductorum, oriri; ex dictis (XXI. XXII.) sponte patebit. Insuper a tempestivo hujus reme-

(*a*) Quidam vir (testante De Haen, Rat. med. pars 7. p. 248.) intra septem fere menses interne sumpsit Corticis plus libris *quadraginta*; enormem sane quantitatem! absque tamen ullo effectu insigni, praeter quod gangraenam pessimam sanavit.

dii usu omnino praecaveri potuerint haecce infortunia, nisi quod praepostera invaluisset opinio, febres intermittentes Cortice haud tuto sanari posse, donec per aliquid tempus durassent.

III. CORTEX tumores pedum oedematosos, leucophlegmatiam, viscerumque obstructions, (si altas non egerint radices), una cum febre, non raro penitus fugat. Et non mirum sane, cum a Viro in arte versatissimo edocti sumus, tumores strumosos adhuc multo pertinaciores ab eodem remedio etiam resolvi posse (*a*).

IV. CORTEX, evacuationibus nondum praemissis, vel etiam urina adhuc existente cruda, si valde urgeat morbus, (nil obstante BAGLIVII assertione (*b*) peremptoria), omnino quamprimum adhiberi debet.

V. CORTEX, absque intermissione perfecta, si pulsus infra *centum* in minuto horae descendat, modo absit omnino inflammatio, tuto dari potest: pulsus namque, Auctore Graviss. HALLERO (*c*), diebus in-

(*a*) Lond. med. ob. & inquir. vol. 1. vid. N^o 26. a Cl. Fothergill conscriptum; nec non vol. 2. p. 265. ubi idem amplius confirmatur.

(*b*) “ Si chinam dederis, (ut fataliter plurimi faciunt), ventre adhuc humoribus onusto, tria expectato, aut inflammationem, aut lentam ac diuturnam febrem, aut mortem.” De feb. motric. specim. cap. xiii.

(*c*) Disput. med. pract. vol. 6. tab. p. 837.

tercalaribus

tercalaribus plerumque ad nonaginta quatuor usque ascendit; quo tempore nihilominus in dando Cortice audacter pergimus.

VI. Quo finem attingamus optatum, duos intra paraxyfmos, Corticis ad minimum sex drachmae ingeri debent.

VII. Si diurna intermissio brevior aut obscurior sit nocturna, aegrum per noctem expergefieri, ad justam Corticis quantitatem assumendam, necesse est.

VIII. CORTEX, instanti frigore sumptus, febrilem spasmus summopere intendit; tunc temporis igitur minime dandus.

IX. CORTEX, pulmonibus admodum infarctis, aut visceribus inflammatis, haud sine gravi periculo (ut opinor) adhiberi potest. Cum bona itaque quorundam Cl. virorum venia (*a*), hisce in casibus ab ejus usu etiam atque etiam dehortor.

X. Si flavescat cutis, aut intumescat abdomen, Cortex, una cum laxativis vel diureticis, est simul propinandus.

XI. Si Cortex alvum nimis petat, opium ei nubere oportet.

(*a*) GEOFFROY, M. M. vol. 2. p. 194. 195. — et CLEGHORN, obs. on the diseases of Minorca, p. 204.

XII.

XII. CORTEX, sub infusi aut decocti specie, una cum alkalicis vel acidis mineralibus, nequaquam commiscendus; his enim suo menstruo additis, Cortex fundum illico petit.

XIII. CORTEX infantibus quidem teneris, iisque qui ab ejus usu interno abhorrent, intus subuculae assutus, vel sub lotionis forma enematisve, satis apte adhiberi potest.

XIV. CORTEX omnino continuandus, donec mobilitas febrilis radicitus fuerit sublata, fibraeque motrices debitum recuperarint tonum.

DENIQUE — L. B. rogatum volo, ut hocce Tentamen, qualecunque tandem fuerit, serena fronte aspiat: atque interim si stylus minus sit concinnus, si minus lucidus ordo, vel si quaedam minus recte dicantur, ut scriptori condonet juvenili, precor.

T A N T U M.

